



Inatsisartuni ilaasortaq Peter Olsen  
Inuit Ataqtigiit

**Qasigianguani inissiat pillugit § 37 naapertorlugu apeqquteqaammut 2018-090-  
imut akissut**

08-06-2018  
Suliaq normu: 2018-11714  
Allakkiaq normu: 30623850

Asasara Peter Olsen

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqqut 1:**

**Qasigianguaniittut inissiat illut 71-inik taajorneqartut B469, B470, B471, B474, B475, B489, B491 kiisalu B618 tamarmik inuerutsinniarnearpat?**

Akissut: B-491 inuerutsinneqarpoq najugaqartullu tamarmik najugarilivitassaminut nuutsinneqarput. Illu unammillernartortaqangaatsiarpoq, pingaartumik kuuffeqarfimmik aserortooqattaartuarneq peqqutigalugu.

B-474 attartortut nuuttarnerat naapertorlugu inuerutsikkiartuaarneqarpoq, tamannalu aamma B-471-imut atuuppoq.

Aamma B-475 Namminersorlutik Oqartussat inissiaataannut pilersaarutini isatigassatut inassutigineqarpoq, kisiannili suli najugaqarfigineqarluni. Aamma tamanna illunut allanut, apeqquteqaammi taaneqartunut atuuppoq. Qasigianguit ataatsimut isigalugu inissianik sinneqartoorfiuvoq, taamaattumillu inissiat pitsaanerpaat atorneqaannarnissaat anguniarneqarpoq, inissiallu isatigassatut inassutigineqartut ajornartinnagu inuerutitinneqartassapput. Taamaaliornikkut najugaqarfimmik ingerlatsineq pitsanngorsarniarneqarpoq, taamaalillunilu attartortut allat pisariaqanngitsumik aningaasartuutitut akiliisannginnissaat qulakkeerniarneqarluni.

**Apeqqut 2:**

**Isaterisoqarniarpat, taava sorliit isaterneqarniarpat qaqugulu? Inissiallu sorliit nutarterneqarnissaat pilersaarutigineqarpa?**

Akissut: Matuma kinguliani illuni taaneqartuni isaterinissat iluarsaassinissallu eqqarsaatigalugit pissusiviusut allatorteqarput. Illut taaneqartut marlunnet avinneqarsinnaapput.

1. Qasigianguani immikkoortumut pilersaarummi illut B-491, B-471, B-474 aamma B-475 isatigassatut inassutigineqarput. Illut 24-nik inissiartaqarput. Isaterinerup 2019-imi aallartinnissaa naatsorsuutigineqarmat ilisimatitsissutigineqassaaq.
2. Qasigianguani immikkoortumut pilersaarummi illut B-469, B-470, B-489 aamma B-618 atasinnaassusiisa ukiunik tallimaniit qulinut sivitsuiffissatut inassutigineqarput. Illut 37-nik inissiartaqarput. Immikkoortunut pilersaarummi atasinnaassutsimik sivitsuinissamut, kingusinnerpaamik 2022-mi suliarineqartussanut aningaasartuutissat 1,725 mio. koruuninut missiliorneqarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Simon Simonsen